

中華郵政總局特准掛號認爲新聞紙類

中華民國十年五月十七日出版

京北公報

第一百七十七期

星期二

京兆公報第一百七十七期目錄

命令

大總統令

各部院公牘

交通部電京綏全路工程業已完竣已於五月一日通車發售客貨等

票特此奉聞文

本公署公牘

訓令二十縣知事准督辦賑務處函送早稻區種法轉發試辦令仰遵
照勸導試辦文(附早稻區種法)

訓令肅知縣事奉 內務部指令知事翁之銓前在香河縣任內獲匪

出力應准超給一等二級警察獎章填發憑單令仰遵章請領文

訓令二十縣知事奉 內務部令本部呈請廢止限制藥用鴉片嗎啡

等品營業章程一案奉指令如擬辦理刷印原呈令仰遵照文(附

原呈)

訓令二十縣知事准外交部函送本部所編外交年鑑二冊請飭屬購

備令仰查照辦理文

批劉玉福呈一件

批常煥等呈一件

批許憲呈一件

批魏成儒呈一件

批周裕光呈一件

批辛殿榮呈一件

批傅紹曾呈一件

批王燕泉等呈一件

批朱爾與呈一件

批張應基呈一件

批朱中樞呈一件

批法亮呈一件

批王文明等呈一件

批周化棠呈一件

批項有年呈一件

批褚錦堂呈一件

批源鴻呈一件

批鄧福呈一件

京兆財政廳公牘

呈財政部 呈報商借義昌源隆茂源各銀號缺項以濟要需請賜備案

文

呈財政部 呈報商借交通銀行款項歸還迭次借款請賜備案

呈京兆尹 呈請轉飭京兆於酒事務局積欠應解京兆行政經費數目

稅款為數甚鉅妥籌補解藉濟急需文

附錄

禁烟法令

命 令

大總統令 五月九日

派孔祥榕爲財政部全國所得稅處總辦此令

大總統令 五月九日

任命王樹翰爲吉林財政廳廳長此令

大總統令 五月九日

任命謝銓庭爲外交部特派河南交涉員此令

大總統令 五月十三日

趙從蕃現在因病請假特任楊慶鑒署江西省長此令

大總統令 五月十四日

據署國務總理兼署陸軍總長靳雲鵬署外交總長顏惠慶署內務總長張志潭署財政總長周自齊署海軍總長薩鎮冰署司法總長董康署教育總長范源廉署農商總長王迺斌署交通總長葉恭綽等呈請改組內閣免去本兼各署職等情靳雲鵬顏惠慶張志潭周自齊薩鎮冰董康范源廉王迺斌葉恭綽均准免署職此令

大總統令 五月十四日

特任靳雲鵬爲國務總理顏惠慶爲外交總長齊耀珊爲內務總長李士偉爲財政總長蔡成勳爲陸軍總長

命 令

公 牘

二

李鼎新爲海軍總長董康爲司法總長范源廉爲教育總長王迺斌爲農商總長張志潭爲交通總長此令
大總統指令第一千五十四號

令平政院院長張國淦

呈審理民人張仲權等陳訴香河縣提用水坑辦學京兆尹公署決定違法一案依法裁決該公署之決定
應予維持由

呈悉此令

中華民國十年五月六日

● 各 部 院 公 牘 ●

交通部電京綏全路工程業已完竣已於五月一日通車發售客貨等票特此奉聞文

五月十二日

京兆尹鑒本部所轄京綏全路工程節項建築截至去歲十二月僅餘卓綏一段新工計路線一百七十里迭
經本部督飭該局兼程併進限日竣工僅四閱月該段工程業已完竣現據該局呈報京綏全路已於五月一
日通車發售客貨等票該路關係西北交通實業邊防胥資利賴將來商務定可日臻發達各省資本家大可
乘此交通便利投資企業振興邊陲國家幸甚除綏包一段新工仍由本部督促進行趕速修築期于本年年
內告成外特此奉聞交通部陽

● 本 公 署 公 牘 ●

訓令二十縣知事准督辦賑務處函送旱稻區種法轉發試辦令仰遵照勸導試辦文

五月九日

准督辦賑務處公函內開准本處王會辦函開准江蘇省會主任徐瀛函送旱稻區種法百本據稱著者試驗已得成效除留二十本分令本省農場實驗外餘書八十本隨函附送即希轉散北方各縣以廣流傳倘能仿種收效亦救濟旱荒之一助等因到處相應檢同原送旱稻區種法六本函送查收轉發等因准此除將旱稻區種法登錄京兆公報不再抄發外合亟令仰該知事遵照勸導試辦此令

附旱稻區種法

旱稻區種法

吳郡陶鎔編

第一節 開墾

用長柄鐵雙刺及四刺將地墾鬆搭三足架懸一大筐籃籃眼徑四五分納泥篩之碎磚殘瓦就地掘深坑掩埋地上細泥以篩滿尺餘厚為度開墾屋基地多此一舉若荒蕪之田但去其草萊荆棘可矣

第二節 築崙

組成土崙闊三尺高五六寸溝闊亦三尺崙成適在孟冬而未過嚴寒者須照第六節肥地法養之

第三節 播種

旱稻有冬禾夏禾兩種春分起至穀雨止為夏禾播種時期小滿起至夏至止為冬禾播種時期每畝用稻種子三升浸透撒佈溝中如溝土堅實須先鋤鬆其法例如一畝有十膝則一膝播三合宜使均勻而無稀稠

第四節 栽培

播種畢取荳餅粉和細泥或用糖漿撒之約四五分厚其地所生野草先日刈盡鋪寸斷覆於灰面稻草亦可須令常見潮潤不可太乾亦不可積水澆水用如露即現今噴水所用之噴壺最為便利苗長二三寸稍息澆溉苗至五六寸則鋪草一次澆糞水一次迨三次即秀矣

第五節 壅土

苗長三四寸犁耑上之土以壅其根漸長漸壅不可欲速稻熟自然耑化為溝溝化為耑壅時須當天晴土燥天雨則土性成塊故不宜

第六節 肥地

收刈後田中逐次灌以極濃之人糞將糞與土用鐵扒調和積糞數寸冬令待其冰過直至土糞莫辨色臭俱無方為合格則土有粘性為膏腴之本

第七節 餘談

季夏之時稻葉受酷日曝晒往往捲縮如繩農人以為乾旱所致乃不知無妨其葉雖捲至夕吸露翌日自能展開

盛夏炎暑澆肥不遇雨時宜用間接之法以糞水沃於空耑土上漸漸壅於其根天將雨逕以糞水澆之澆後即得雨佳

空耑之土常令帶乾色為妙

護種之草恒濕則其汁濾下可以滋潤稻苗

旱稻與麥輪植法 刈稻後空崙已化為溝即於溝中種麥以崙土壅於麥根 漸長漸壅可得豐收 迨麥熟溝復化而為崙地力有半年休養自然循環不竭惟夏禾不及待割麥後下種可及期先於溝中播之割麥時秧已三四寸長矣

播種之前預將豈餅浸化以免臨時匆忙不及之虞

稻已結穗對於鳥類之啄食須着意防護又稻中見有白穗即為螟害之證須將此稻齊根拔去以免傳染

收刈以下諸事俱同水稻可無贅述人苟按照上法栽種一禾自能生有兩穗三穗無兼人之勞而得倍恆之收何樂不為

附 區 田 圖



是旱田不是水田白者為溝黑者為崙溝內

種稻崙上不種溝崙各闊三尺高低五寸許

逐年溝崙交換因此以養地力

訓令霸縣知事奉 內務部指令知事翁之銓前在香河縣任內獲匪出力應准超給一等

二級警察獎章填發憑單仰遵章請領文 五月九日

案查該知事前在香河縣任內拿獲積年盜匪邢連雲一名經本公署核與修正警察獎章條例尙屬相符呈

議內務部獎給一等二級警察獎章以示鼓勵茲奉指令准予照章給獎並填發憑單一紙等因合亟抄錄原呈指令暨奉發憑單令仰該知事遵章繳費赴部請領此令

訓令二十縣知事奉 內務部令本部呈請廢止限制藥用鴉片嗎啡等品營業章程一案

奉指令如擬辦理刷印原呈令仰遵照文 五月九日

案奉 內務部訓令內開本部呈請廢止限制藥用鴉片嗎啡等品營業章程一案已於十年四月二十二日奉大總統指令呈悉准如所擬辦理等因令仰遵照此令附原呈一件等因奉此除分行外合亟抄錄原呈令仰該知事遵照辦理此令

附原呈

呈為擬請廢止限制藥用鴉片嗎啡等品營業章程以免窒礙恭陳仰祈 鈞鑒事竊本部前以厲行禁煙難保無奸商藉口醫藥販運鴉片嗎啡等品曾擬定限制藥用鴉片嗎啡等品營業章程於四年十月呈奉批准通行在案查該章第五條凡藥店按照外國藥局方將鴉片嗎啡高根安洛音等製為丸散膏丹藥餅藥膠藥水等品須照成分所載分量出售如係本國醫士研究方藥自行製配者須將藥品運同藥方呈經官廳查驗批准始得售賣等語是鴉片嗎啡等物製品但使不逾定量尙可准其行銷自係於限制之中略示通融之意惟邇來各種毒質藥丸層出不已蔓延各地流毒無窮自非變更章程絕對禁止不足以重煙禁而衛民生本部前曾籌設違禁藥品管理局擬俟該局成立後即將是項章程交會核議酌定改廢再行呈請辦理現查該局尙難即時成立而稅務處於八年修改中外通商進口稅則第四款已載明鴉片烟苗啡鴉等物係屬

禁品不准販運總稅務司根據此欺查得含有嗎啡及他類毒品之丸散等藥共數十種列表通行海關一體禁運司法部復於九年十二月擬定修正嗎啡治罪法案增補缺漏加重刑罰呈准施行各在案是限制藥用鴉片嗎啡等品營業章程第五條已無存在之餘地至其他各條多係取締藥商雖與現在情勢尚無不合但本部呈准施行管理藥商章程規定甚嚴亦似無另行取締之必要擬請准予完全廢止以免窒碍所有請廢限制藥用鴉片嗎啡等品營業章程是否有當理合呈請 鑒核指令遵行謹呈

大總統

署內務總長

訓令二十縣知事准外交部函送本部所編外交年鑑二冊請飭屬購備令仰查照辦理文

五月十三日

本年五月六日准外交部函開查東西各國各部署於各項行政以及交涉案牘凡可以宣布於外者固不分門別類編輯專書每歲刊行用備參考本部有鑒於此且因年來交涉愈益紛繁國民咸知注意而辦理交涉者根據條約而外兼須援引先例其餘條約本部既將有清列朝起康雍迄宣統彙萃補纂先後重編而成案成例仍未及別輯專書不無缺憾茲特令部員纂輯民國以來關於外交法令章程並審慎選錄交涉成案編成外交年鑑一書大略推輪遶云完備嗣後賡續年出一編自當逐年修補由簡而密漸足為考鏡之資或亦推廣知識有裨交涉之一端也相應將所編年鑑兩冊函請查收再此項年鑑出版除彙經本部刊登五月五日政府公報廣告外並希通飭所屬各機關如須購備此項書籍應即查照五月五日本部所登政府公報廣

公 牘

七

公 牘

八

告辦法或直接向本部文書科圖書處購取或逕行向承售之各書肆購取可也等因並附外交年鑑二冊到
本公署准此除分行外合亟令仰該縣知照如須購備此項書籍應即查照五月五日政府公報所登廣告辦
理可也此令

批平谷人劉玉福呈爲偽造約據爭繼承遺產不候判決即霸種請令縣訊辦文 五月九日
呈悉已據情行縣傳訊依法核辦矣仰即知照此批

批永清縣二區代表常敷等呈爲區董崔鴻鈞侵蝕賑款偽造圖章附單請飭縣依法究辦

文 五月九日

呈悉仰候令行永清縣查明究辦此批

批分發薊縣統計員許愈呈爲因病懇請暫緩分發文 五月九日

呈悉此批

批順義人維成儒呈爲勾串合謀自立文約請再飭縣提卷核辦文 五月七日

呈悉查此案現據該縣呈稱該民已在京師地方審判廳抗告等情仍仰靜候法庭解決可也此批

批安次公民周裕光呈爲積匪周安等聚賭窩賊請飭縣按例懲辦其逃犯李國賢等應請

緝獲文 五月七日

呈悉既據呈稱案經縣署判決該原告訴人如有不服應依法向第二審審判衙門呈訴不服仰即知照此批

批辛殿榮呈田德昌吞款阻學不服涿縣處分請求撤銷文 五月十一日

呈悉查所稱五項其一二三四各項案內詳情如何縣署於何時判決其判詞或堂諭均未抄錄至對縣署判決不服之理由亦未逐一聲叙且多數人共同訴願應選出三人以下之代表提出委任書證明代表之事實來呈程式多有未合碍難核辦仰即遵照訴願法第五條及第九條第十條之各規定限十日內依照法定程式另行呈訴以憑核辦副狀發還此批

批傅紹曾呈請補發津貼文 五月十一日

呈悉據稱陳文華已往湖南服務當經函詢北京高等師範學校茲准覆開陳文華業在本校休學等因到署查陳文華既已休學津貼自應停止所有陳文華與殷祖英分領韓崇琪於八年十二月由本公署考送研教科其津貼至十年十二月爲滿該生補領此項津貼亦以領完韓崇琪之津貼爲限仰即於暑假後與殷祖英聯名來署具領可也合行批示知照此批

批同生載重汽車公司創辦人

馬信仙
王燕泉
王澤山

等呈爲集資試辦京熱等處載重汽車設立同生載重

汽車公司懇予批准立案文

五月十三日

據呈已悉該商等爲便利運輸起見集資十萬元設立同生載重汽車公司購置載重汽車六輛通行於京熱各地照章納捐營業並自行修理道路事屬可行惟該公司內容如何組織是否有限抑或無限營業章程如何規定沿途道路如何修理以及由京至熱設站若干對於本署月繳車捐若干路成行車以後關於養路護路事宜如何籌畫仰即一併詳細聲復並繪具路圖註明設站地點呈候核奪此批

批朱爾興呈密雲公民朱爾興呈爲知事徇庇劣紳馮任重等一案前呈多日未批請委查

究辦文 五月十三日

呈悉查現呈所控馮任重隱糧偷稅及選舉舞弊藉學飲捐各節指陳事寔多未明瞭據稱前已呈請查辦亦查無此項呈詞惟馮任重匿報黑地一案經該公民具訴後該縣知事如何辦理未據呈報至選舉舞弊藉學飲捐兩案既分別在京師高等檢察廳控告批令該縣辦理究竟原案如何情節該縣知事對於各該案有無徇庇不理情事自應詳查以明虛實仰候委查明確具覆核辦此批

批密雲人張應基呈為案經訴願未奉決定縣署強制執行懇迅飭撤銷命令以維法律而

資救濟文 五月十三日

呈悉已據情令催該縣依法呈送辯明書並飭將本案處分暫行停止執行矣至所稱一月二十日以副本遞縣同時即分呈本署一節查本署並未收到此項來文仰併知照此批

批北京高師學校肄業生朱中楫呈為旅行出發期迫懇請量予補助文 五月十三日

呈悉查此案業經本公署據大興縣呈分別咨呈教育部及函達高等師範學校核辦在案茲據呈稱各節自屬實情惟本公署經費支絀且有預算束縛所請量予補助之處碍難照准此批

批法亮呈為調和不能請令薊縣轉飭劉丹臣將該項地畝山場房屋等點交歸職接收文

五月十三日

呈悉此項地畝房屋既經潤具勒府管理多年現在糾葛未清自應仍由該職邀集公正親友妥為理處如果無從理楚即依照法定程序在司法衙門起訴聽候判決執行可也此批

批通縣第六區首事王文明等呈請飭縣查收三義關帝兩廟地租以助警費文五月十三日
呈悉查此案前據陳子孚等呈請查究當經令縣查復在案茲據呈同前情仰候令縣併案查明秉公辦理具
復核奪此批

批安次人周化棠等呈爲團董馬萬和經法庭判處有案自不能任其再辦地方公事請飭
縣斥革另選文 五月十三日

呈悉仰候令催該縣迅速查明秉公辦理具復核奪此批

批寶坻人項有年呈爲產捐清交薊縣知事及假藉催繳執照吞實抵縣傳解交納地產捐

顯係違法重征呈串票請驗明法辦並懇發寶坻縣具領文 五月十三日

呈悉仰候令行薊縣知事查復核奪附件存此批

批通縣商人褚錦堂呈爲強迫騰房事區警濫行拘押勒結索贖訴縣批令警佐查復不爲

法辦請依法辦理文 五月十三日

呈悉仰候據情行縣查復核奪此批

批公爵源濬呈轉催香河縣將印冊呈繳永清縣地畝亦請令催從速查驗粘尾給領以憑

執業文 五月十四日

呈悉候函知永清香河兩縣速予查驗至香河縣地畝鈔冊本局存有一份如函需查核即來局鈔錄可也此

批

批鄧福呈有自置旗地一項坐落薊縣張家庄等村請行縣查明照章升科俾便領照文

五月十四日

呈暨契賬均悉查該民呈報升科地畝既稱坐落薊縣仰候函致薊縣公署查明照章辦理應繳照冊費並候復到飭繳可也此批

●京兆財政廳公牘●

呈財政部 京兆尹 呈報商借義昌源隆茂源各銀號欸項以濟要需請賜備案文 五月十日

呈為呈報商借義昌源隆茂源各銀號欸項以濟要需請賜備案事竊因本年四月分本區應發國地各費及永定北運兩河務局河工要款為數甚巨各縣解到正雜欸項不敷支配當於四月二十三日向北京新華銀行息借洋一萬元以資湊濟業經呈報在案惟估計應發緊要各款仍屬未敷復經函囑通縣知事李杜向北京義昌源隆茂源兩銀號各商借洋五千元共洋一萬元均定明月息一分八厘該知事分別出立契約即以該縣本年應征租稅作抵以六個月為歸還之期自五月一日交欸之日起算該欸與新華銀行借款均專為湊發本年四月分本區國地河工各費之用除將關於緊要之款次第撥發並俟屆期將借款本息分別如數籌還以昭信用外理合抄錄通縣知事送到借約底稿呈請

鑒核指令備案除呈 財政部外謹呈

財政總長

京兆尹

呈財政部 呈報商借交通銀行款項歸還迭次借款請賜備案文五月十日

呈爲呈報商借交通銀行款項歸還迭次借款請賜備案事竊廳長前因前廳長李杜芳任內積欠交通銀行本息洋九千四百三十四元五角五分急須籌還當於九年十二月二十八日向該行商借洋一萬元訂明月息九厘四個月歸還並無抵押物品該款除還前廳長所欠本息外餘洋五百六十五元四角五分仍暫寄存該行備撥正款又因

京兆尹公署 游擊隊解散需發餉項洋三萬三千四百二十元零四角無款支付復於本年一月十七日向金城銀行商借洋三萬三千五百元以金融公債券六萬七千元作抵訂明月息一分二厘三個月歸還該款除發游擊隊餉項外餘洋七十九元六角交庫撥付他項經費均經呈報備案在案茲屆該兩款本息應行清償之期適值各縣青黃不接解款寥寥並無閒款可以撥付而借約攸關信用又不能不設法履行當與北京交通銀行往復磋商即以前押金城銀行之六萬七千元金融公債券及存廳之一千七百一十元金融公債券共計券面六萬八千七百一十元向該行押借洋四萬五千元訂明月息一分二釐六個月歸還於本年四月二十八日書立借據交執前款計應付還該行本洋一萬元四個月息洋三百六十元金城銀行本洋三萬三千五百元三個月零十一日息洋一千三百五十三元四角共洋四萬五千二百三十三元四角除將此次借款洋四萬五千元分別撥付外尙不敷洋二百三十三元四角由廳另籌補足一律清償理合將商借交通銀行款項歸還迭次借款本息緣由呈請

鑒核指令備案除呈 財政部外謹呈

公 牘

十三

財政總長

公 牘

十四

京兆尹

呈京兆尹呈請轉飭京兆菸酒事務局積欠應解京兆行政經費數月稅款爲數甚鉅妥籌

掃解藉濟急需文 五月十四日

呈爲呈請轉飭事竊廳長前因京兆菸酒事務局積欠應解京兆行政經費數月稅款爲數甚鉅迭經呈由鈞署轉飭該局照案如約撥解並先後咨函該局將欠解之款如數提撥在案本月十一日准該局咨稱案照敝局應於菸酒稅費項下按月額解京兆行政經費洋四千九百四十九元五角五分一釐歷經按照咨解至九年十一月分止前因燒鍋禁釀暫時未能咨撥現查各該燒鍋於五月一日業經一律弛禁開燒迭經咨催並奉京兆尹令催籌撥款項自當首先籌解以應急需茲將現洋五千元備文咨解請煩兌收見復等因到廳業經飭庫收訖仰賴

鈞座關懷計政督促時殷尤藉該局長篤念同舟艱難共濟廳長均深佩結惟查該局自上年十二月至本年四月積欠之數實共二萬四千七百四十七元七角五分五釐除現解過五千元外仍欠一萬九千七百餘元爲數甚鉅本廳因此款愆期之後歷月均蒙影響時特息借短期債款以資應付現在陸續到期亟須清理而本月應發之款又多無着再四思維仍有賴於此項大宗宿欠之及早清收方足以維持現狀除咨復該局屢續籌撥外理合具文呈請鈞署鑒核速賜令知該局務將上欠之款一萬九千七百餘元仍在本月妥籌內掃解藉濟急需實爲公便謹呈

京兆尹

●附錄●

禁煙法令

呈爲擬訂責成各省區長官督察禁種烟苗辦法暨擬派專員分別履勘恭呈仰祈 鑒核事竊本年五月二十一日奉 大總統令據外交部呈稱陝西等省復行種煙外人迭有責問擬請責成各該省軍民長官嚴切查禁等語禁煙一事迭經明令申儆並據各省先後履勘報告淨絕近日上海焚土一案復經特派專員切實辦理原期全國肅清永除積害若如原呈所稱近據報告各省仍復種售煙土且有不肯官吏包庇種煙情事前功墮棄至堪痛惜須知煙禁載在條約中外具瞻各省軍民長官職責既專自應嚴切進行期收寔效卽在邊遠省分於國家威信所繫亦當一致匡持同祛舊染自此次令行之後務各遵照迭次中令認真查禁悉絕根株倘有官吏包庇疏縱卽着分別從嚴懲辦以肅禁令此令等因旋准外交部鈔錄原呈連同英美兩使照會咨行查照復准咨達英公使先後照會迭申前因各到部查前清季年訂立禁烟條約民國肇建屢續進行迭奉 明令諄諄申誡三年五月公布禁種罌粟條例歷經遵奉辦理禁期屆滿以前各省呈報禁絕均經本部派員會同英使派員分赴各省履勘屬寔分別呈明在案方幸全國肅清永除積害乃近歲以來迭據報告各地方往往有發見私種情事並經隨時咨行各該地方長官嚴切查察茲據英美兩使照會所稱是地方之查禁猶復不免疏漏良由莠民之貪利無厭錮疾之陷溺已深乘防範之偶疏遂徼倖以試法前功墮棄深屬可虞頃奉 明令責成各地方長官遵照迭次中令認真辦理仰見我 大總統軫念國圉除惡

附錄

務盡之至意本部職責所在兢惕尤深自當秉承 德音預爲杜漸防微之計伏查禁種罌粟條例對於禁種事項規定本極詳明惟徒法不足以自行而日久尤易於生玩若果督責嚴厲何患不能斷絕根株茲由部擬訂責成各省區長官督察禁種烟苗辦法七條俾軍民長官一體奉行並擬遴派專員於本年初冬播種之時前往各省區協同履勘務使防維周密責任分明庶不致徒託空言當可以漸收寔效總之禁烟一事中外具瞻不獨友邦責言滋堪懍慄且國民自治之程度與國家法令之效能皆將於此以爲徵驗此尤本部所爲惴惴者也茲將擬訂辦法七條開具清單呈候核定如蒙 允准再由部通行遵照所有擬訂責成各省區長官督察禁種烟苗辦法暨擬派專員分別履勘各緣由是否有當理合呈請 鑒核訓示施行謹呈

大總統

兼署內務總長

中華民國八年八月十八日

謹將擬訂責成各省區長官督察禁種烟苗辦法開呈
鈞鑒

計 開

- 一各省區長官應遵照禁種罌粟條例按月將辦理情形分別咨呈國務院咨報內務部查核
- 二各省區長官對於管轄境內禁種事項除依該條例第五條辦理外如於駐紮境內之軍隊認爲有私種烟苗或庇種烟苗者應即咨行各該管軍事長官切實查辦並咨呈國務院咨報內務部查核
- 三各該管軍事長官對於前條查辦事項應於一月內將查辦情形並處理方法咨復各該省長官仍一面

咨呈國務院咨報內務部查核

四各省區長官對於各該管軍事長官之咨復認為有贖徇或曲庇情事證據確實者得逕呈

大總統仍咨呈國務院咨報內務部核辦

五各該省區長官於督察禁種烟苗事項依該條例第四條須請軍事長官協助者各該軍事長官應負一切協助之責

六各省區長官於中央特派察勘禁種煙苗人員到境時應協同辦理左列事項

一關於禁種煙苗狀況考察事項

二關於禁種煙苗官吏考核事項

七各省區長官對於該管道尹縣知事辦理禁種事項應嚴行考核依照該條例第七條至第十條之規定辦理

大總統指令第二千六百六十號

令兼署內務總長朱深

呈擬訂責成各省區長官督察禁種煙苗辦法暨擬派專員分別履勘由

呈悉准如所擬辦理即由該部通行遵照此令

中華民國八年十月二十五日

呈為續訂特派各省區禁煙察勘員簡章恭呈仰祈 鑒核事竊查本部前經呈訂責成各省區長官督察禁

種煙苗辦法暨擬派專員分別履勘一案於本年十月二十五日奉 大總統指令呈悉准如所擬辦理即由部通行遵照此令等因奉此除由部分別通行外其派員履勘一節原呈聲明遴派專員於本年初冬播種之時前往各省區協同履勘現已屆時一俟遴有相當人員即行呈請 派往惟此項特派專員關係極爲重要自應明訂職權俾得有所遵守茲由本部續訂特派各省區禁煙察勸員簡章七條開具清單呈候核定遵行所有續訂特派各省區禁煙察勸員簡章緣由是否有當理合呈請 鑒核訓示施行謹呈

大總統

兼署內務總長

中華民國八年十月十一日

謹將擬訂特派各省區禁煙察勸員簡章開呈
鈞鑒

計 開

- 第一條 特派各省區禁煙察勸員由內務部遴員呈請 大總統派充
- 第二條 特派員於應行察勸區域內關於禁種煙苗計畫及辦法得隨時商請各該省軍民長官通令所屬遵照實行並一面呈部查核
- 第三條 特派員接受關於舉發種煙呈告時應詳加查勘並知照地方官署依現行規例辦理
- 第四條 特派員察勸禁種煙苗有需軍警協助時得隨時商請各該省軍民長官及鎮道派撥軍警協助

軍民長官及鎮道受有特派員請求時應即派撥軍警協助

第五條 特派員於察勘區域內禁種煙苗及辦理情形應按旬呈部查核

第六條 特派員對於地方官辦理禁煙有認為奉行不力者應隨時報告於該省軍民長官並呈部核辦

第七條 本簡章自呈准日施行

大總統指令第二千八百六十八號

令兼署內務總長朱深

呈續訂特派各省區禁煙察勘員簡章請鑒核由

呈悉准如所擬辦理即由該部通行遵照此令

中華民國八年十一月十七日